

Rapport annual dil cau dils juniors

Igl onn 2018 ei stau miu secund onn sco cau da juniors dil club da tennis. Entschiert ha la sesiun 2018 cun l'organisaziun dils trenaments dils juniors e las junioras.

Trenament

Entschatta avrel ein ils taluns d'annunzia vegni reparti el consorzi da scola Trun/Sumvitg sco era scret ora el Fegl ufficial. Era eisi vegniu schau ir in mail a tut ils participonts dils davos onns. Nus vein retschiert totalmein 20 annunzias, 8 kids e 12 juniors e junioras. Quei ei in grond pass anavos, sche ins mira che igl onn 2017 ha aunc giu 37 annunzias.

Fin avrel han ils trenaments entschiert.

Ils kids ein vegni trenai da Dania Petschen e Natascha Wolf en duas gruppas la mesjamna suentermiezdi. Inper ga ha aunc la Corina Petschen gidau ora. Suenter siat trenaments han ils affons dau in turnier da finiziun. Els han saviu muossar lur progress e han giu grond plascher dils numerus aspectauturs e dils premis ch'els han retschiert.

Ils juniors e las junioras dad 11-18 onns ein vegni trenai dad Nic Dermon e da Karin Demont. Luis Caduff ha era segidau inqual ga. Cun 12 annunzias havein nus fatg 2 gruppas da trenament. La Karin ha trenau il mardis in ura ed il Nic ha trenau mintgamai la gievgia in ura. Per terminar la sesiun da tennis havein nus organisau in turnier da finiziun fin settember. La partizapiziun ei denton bu stada aschi gronda sco ils davos onns, mo 9 juniors/as han priu part ad quei turnier. Ils affons han dau tennis e differents giugs. Per mintgin ha ei dau enzatgei da gudignar. Da miezdi ei vegniu grillau e magliau pommes frites – engraziel fetg alla Beni dil Tschut pils pommes!

Engraziar less jeu era alla Dania, alla Natascha, alla Karin al Nic ed al Luis per lur super lavur e lur grond engaschi a favur da nos juniors. Senza vus fuss tut quei buca stau pusseivel.

Sco finiziun dalla sesiun ein ils trenaders ed il cau da juniors ir a tscheina el Café Tschut miez November. Leu eisi vegniu discuriu sur dalla sesiun vergada e sur dalla proxima sesiun da tennis.

Interclub da juniors/as

Igl onn 2018 havein nus saviu annunziar 2 gruppas pigl interclub da juniors.

Tier las buobas vein giu ina grupperella Liga B ella categoria U18.

Quei ein Dania Petschen, Paula Maissen e la Natascha Wolf.

Ellas han spiars duas partidas e gudignau ina partida. Totalmein han elllas fatg 4 puncts da 9 pusseivels. Aschia han elllas fatg las tiarzas en lur gruppera.

Rangliste

		Pt	Sätze
1	<u>Bonaduz</u>	9	18-1
2	<u>Zizers</u>	5	10-9
3	<u>Trun</u>	4	10-10
4	<u>Davos</u>	0	0-18

Era ils giuvens han uonn puspei dau interclub da juniors.

Tier ils buobs vein giu ina grupperella Liga B ella categoria U18.

Quei ein Ramon Orlik e Yannic Duff.

Els han spiars enncunter ils da Muster e gudignau enncunter ils da Tavau. Totalmein han els fatg 3 puncts da 6 pusseivels. Aschia han els fatg ils secunds en lur gruppera.

Rangliste

		Pt	Sätze
1	<u>Disentis</u>	5	10-2
2	<u>Trun</u>	3	6-7
3	<u>Davos</u>	1	3-10

Cader regiunal

Igl unviern 2017/2019 ha il Nic Dermont menau atras il cader regiunal a Mustér, nua ch'el trenescha mintgamai la mesjamna giuvenils dalla regiun duront igl unviern. Quei unviern ein 4 giuvenils da nies club separticipai al cader. Quels ein: Dania Petschen, Paula Maissen, Natascha Wolf e Noel Duff.

Quels cuors vegnan susteni dil club cun 50.- fr. per giugadur/a.

Igl unviern 2018/2019 dat ei negin cader regiunal, quei ord munconzas dad annunzias.

Camp da tennis

Il tennis-camp Surselva vegn menaus atras duront la stad en 3 loghens ella regiun Surselva. Igl onn 2018 ei quei stau a Mustér, Trun e Glion. Giugadurs entscheviders ni pli avanzai ord l'entira regiun san separtizipar al camp. Miez fenadur ha il camp giu liug a Trun. Nus vein giu 4 annunzias. Ils affons ein vegni trenai dalla Luana Rageth da Domat. La responsabladad ha Roger Lang giu. Igl onn 2019 vegn il camp da tennis mo pli menaus atras duas ga, inaga a Muster ed inaga a Glion.

Program per la proxima sesiun

Per la sesiun 2019 ein ils trenaments da juniors/as puspei previ sco tochen dacheu. Entginas gruppas vegnan era a separticipart agl interclub da juniors.

Per la Karin eisi stau la davosa sesiun che ella ha trenau nos juniors. Ad ella lessel engraziar zun fetg per la laver prestada ils davos onns en favur da nos juniors e nossas junioras.

Il Nic, la Dania e la Natascha treneschan vinavon nos giuvens.

Tuttina essan nus alla tscherca da trenaders, cunzun per ils juniors. Igl ei fetg impurtont d'anflar persunas ch'ein promtas da trenar nos pigns e giuvens ch'ein il futur dil club. Jeu selegrel da mintgin che s'annunzia tier mei sch'el ha intress da daventar trenader.

Cuera, ils 12 da mars 2019

Simon Decurtins